


中國方志叢書·華北地方·第三二八號

據清·乾隆六十年抄本
朱超纂修
影印

甘肅省

清水縣志



成文出版社有限公司印行



中華民國五十九年二月臺一版

清水縣志

全一冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三三〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

清水縣志序

紀載之體其源蓋出於史
自古紀傳始於尚書編年
肇自春秋尚書史而經者
也春秋經而史者也若夫
外邑之志則以類相從大

抵不離乎紀傳者近是其
實亦史裁耳然予以為志
之為志不特可通於史也
兼可通於禮周禮周官所
屬小史掌邦國之志外史
掌四方之志志也而隸之

史官星野有志即司徒之
測土深正日景也山川有
志即職方之掌地圖辨封
域也志賦役如太宰之以
八職任萬民志灾祥如馮
相之以四時會天位至於

禮制風俗之必志也則宗
伯之所以和邦國焉兵戎
武備之必志也則司寇之
所以平邦國焉藝文為選
舉之本則大比之所以重
賓興也職官為官蹟之徵

則弊吏之所以嚴誅賞也
故周禮為周公身致太平
之書先祖文公以為運用
天理爛熟而後人即本之
以作志則志之為體不又
原于周禮也哉清邑舊有

志前明萬歷間邑令辛公

金創修之

國朝康熙間邑令劉公俊聲

重修之距今又越百有餘

年其間事多缺失難以考

訂戊申歲起涖茲邑繙閱

舊志尚多遺畧輒有志纂
修因于簿書之暇網羅散
失參考舊聞以成是帙乙
卯春捐廉而付之梓厯一
載而工竣凡十有六卷其
間星野建置風俗貢賦宦

蹟人物武備藝文雜記補
遺諸志缺者補之異者更
之體例有未當者正之詩
文有未備者詳之他若山
川禮制職官選舉災祥兵
戎六志一仍其舊方

今中外一家版章式廓輿圖
之廣遠及外藩

聖天子復稽古証今博綜淹貫

撫綏方夏遐邇同文固無

人自為書家自為學者矣

乃以超忝居守土搜羅補

綴責有攸司因分門析類

薈萃成編豈敢謂黼黻


昇平亦聊以脩太史輶軒之

採擇而已

省

乾隆六十年乙卯孟冬知

清水縣事陽羨朱超序并書



引子集

序

一

地

輿

全

圖



清水縣境圖

寶蓋朝嵐

